



## ÍSLENSKI ALPAKLÚBBURINN

NR. 11 – JÚLÍ '79



## Bjargað úr N-hlíð Eiger

Sex breskir fjallgöngumenn, sem gerðu tilraun til að klífa hinn hrikalega, 1800 m háa norðurvegg Eigertinds í febrúar sl., gáfust upp aðeins 200 m frá tindinum og voru híðir upp í þyrlu á 9. deginum í veggnum.

Fjallgöngumennirnir, Simon McCartney 23ja ára, Steven Haston 21 árs, Anthony Saunders 29 ára, David Cutherson 29 ára, William Barker 35 ára og Howard Lancashire 26 ára, sem allir eru þrautþjálfaðir fjallgöngumenn, byrjuðu klífrið vel og á 3ja degi voru þeir komnir það hátt, að niðurför yrði álíka torsótt og áframhaldandi klífur.

-28-

Þegar þeir reyndu að komast þvert yfir ísfoss þann daginn, hrap- aði Steven. „Ísfossinn hafði verið klifinn í flýti," sagði Steven, „og þegar ég var kominn út í hann miðjan, féll ísinn út frá berginu og ég með. Ég féll 10 m áður en línan tók fallið. Ég kom til sjálfs mín, starandi á þorpið niðri í dalnum, 2600 m neðar. Ég hef alltaf verið taugaóstyrkur í mikilli hæð, en ég áttaði mið fljótlega og kom mér að berginu eins fljótt og ég gat, svo að áfallið næði ekki yfirhöndinni á mér."

Simon McCartney sagði, að þeir hefðu neyðst til að klífa án vettlinga á ísuðum klettunum, og því hefði hann kalið. „Öll húð var farin af höndunum á mér - hún hafði orðið eftir á klettum og ís." Hann sagði einnig: „Það tók okkur eitt sinn meira en tvær klst. að klífa eina línulengd. Þann daginn komumst við aðeins 100 m."

Leiðangurinn tókst á við tvo af dauðastöðum norðurveggjarins, „Breiðuna" (the ramp), en það er 450 m veggur af ís, og „Leið Guðanna" (the traverse of the gods). En það var á „Hvítu köngulónni," sem þeir ákváðu að gefa tilraunina upp á bátinn. Þeir náðu lítilli syllu í myrkri: „Við áttum þjáningarfulla nótt" sagði Simon. „Snjóskriðurnar kepptust við að fleygja okkur af fjallinu og við þurftum sífellt að fara á fætur og hreinsa frá tjaldinu okkar."

„Svefnpokarnir okkar voru frosnir, sömuleiðis skórnir okkar, myndavélarnar og filmurnar. Við vöknudum næsta dag - þann áttunda - og ákváðum að hætta við tindinn, það væri of áhættusamt. Frostið var  $-30^{\circ}\text{C}$ . Við höfðumst við í pokunum uns okkur var bjargað."

„Þetta var verstí dagurinn, ég hélt við myndum ekki hafa það af," sagði Steven Haston.

Eftir björgunina var farið með þá á spítala í Steckelberg, þar sem gert var að sárum þeirra, en þess má geta, að Simon McCartney lagði aftur á vegginn eftir spítalavistina, sex vikum síðar, ásamt einum félagi sínum. Klífu þeir vegginn á einni viku.